



فرتوبوهن كبغساءن ملايو برساتو  
PERTUBUHAN KEBANGSAAN MELAYU BERSATU  
(UNITED MALAYS NATIONAL ORGANISATION)  
No. Pendaftaran 676/88 (Wilayah Persekutuan)

# PERATURAN PERGERAKAN PUTERI UMNO

BERSATU - BERSETIA - BERKHIDMAT

## KANDUNGAN

<b>FASAL 1</b>	Darihal Peraturan Ini
<b>FASAL 2</b>	Nama
<b>FASAL 3</b>	Tujuan-tujuan
<b>FASAL 4</b>	Keahlian Dan Had Umur Memegang Jawatan
<b>FASAL 5</b>	Jawatankuasa Puteri UMNO Malaysia
<b>Fasal 6</b>	Mesyuarat Jawatankuasa
<b>FASAL 7</b>	Tugas-tugas Dan Tanggungjawab
<b>FASAL 8</b>	Pejabat Setiausaha Puteri UMNO Malaysia
<b>FASAL 9</b>	Perhimpunan Agung Puteri UMNO Malaysia
<b>FASAL 10</b>	Perhimpunan Agung Khas Puteri UMNO Malaysia
<b>FASAL 11</b>	Badan Perhubungan Puteri UMNO
<b>FASAL 12</b>	Jawatankuasa Puteri UMNO Bahagian
<b>FASAL 13</b>	Pejabat Setiausaha Puteri UMNO Bahagian
<b>FASAL 14</b>	Mesyuarat Perwakilan Puteri UMNO Bahagian
<b>FASAL 15</b>	Mesyuarat Perwakilan Khas Puteri UMNO Bahagian
<b>FASAL 16</b>	Penubuhan Puteri UMNO Bahagian
<b>FASAL 17</b>	Jawatankuasa Puteri UMNO Cawangan
<b>FASAL 18</b>	Pejabat Setiausaha Puteri UMNO Cawangan
<b>FASAL 19</b>	Persidangan Puteri UMNO Cawangan
<b>FASAL 20</b>	Persidangan Khas Puteri UMNO Cawangan
<b>FASAL 21</b>	Kewangan Dan Harta
<b>FASAL 22</b>	Kesempurnaan Peraturan Ini
<b>FASAL 23</b>	Tafsiran
<b>FASAL 24</b>	Peraturan-Peraturan Mesyuarat
<b>FASAL 25</b>	Tarikh Dijalankan Peraturan Ini

**FASAL 1 DARIPADA PERATURAN INI**

Menurut Fasal 21 Perlembagaan Pertubuhan Kebangsaan Melayu Bersatu, bahawa Majlis Tertinggi UMNO berkuasa membuat Peraturan ini yang dinamakan "Peraturan Puteri UMNO".

**FASAL 2 NAMA**

Pergerakan ini adalah dinamakan "Puteri UMNO".

**FASAL 3 TUJUAN-TUJUAN**

Tujuan-tujuan Puteri UMNO ialah :-

- 3.1 Menggalakkan Ahli-ahlinya mengambil bahagian aktif dalam lapangan agama, politik, pendidikan khasnya urusan
- 3.2 Menganjurkan dan mengadakan latihan kepimpinan dan lain-lain latihan bagi mencapai tujuan-tujuan di atas.
- 3.3 Bekerjasama dengan badan-badan lain yang dipersetujui oleh Majlis Tertinggi UMNO.

**FASAL 4 KEAHLIAN DAN HAD UMUR MEMEGANG JAWATAN**

4.1 Kelayakan menjadi ahli :

- 4.1.1 Puteri UMNO adalah terbuka kepada wanita-wanita yang berumur tiga puluh lima (35) tahun ke bawah yang dikira pada 1hb Januari tahun berkenaan dan belum lagi menjadi Ahli Wanita UMNO.
- 4.1.2 Seseorang Ahli Puteri akan menjadi Ahli Puteri di dalam Cawangan UMNO di mana ia berdaftar menjadi Ahli Biasa UMNO.
- 4.1.3 Seseorang Ahli tidak boleh menjadi Ahli Puteri lebih dari satu Cawangan.
- 4.1.4 Seseorang tidak lagi menjadi Ahli Puteri dengan ia menjadi Ahli Wanita UMNO atau berhentinya ia daripada menjadi ahli UMNO.
- 4.1.5 Mana-mana Ahli Puteri yang telah memilih menjadi Ahli Wanita UMNO tidak boleh menjadi Ahli Puteri semula melainkan ia pindah menjadi Ahli Puteri ketika Puteri UMNO di dalam peringkat penajaan.

4.2 Had Umur dan Tempoh memegang apa-apa jawatan di dalam Puteri UMNO:-

4.2.1 Ketua Puteri UMNO Malaysia :-

- 4.2.1.1 Had tempoh umur untuk jawatan Ketua Puteri UMNO Malaysia adalah sehingga telah mencapai umur empat puluh (40) tahun.

- 4.2.1.2 Sekiranya penjawat itu telah mencapai had umur lebih empat puluh (40) tahun tetapi belum tamat tempoh pemilihannya untuk penggal pemilihan Majlis Tertinggi itu, beliau bolehlah meneruskan khidmatnya sehingga tamat pemilihannya untuk penggal pemilihan Majlis Tertinggi itu sahaja.
- 4.2.2 Ketua Puteri UMNO Badan Perhubungan Negeri, Bahagian dan Cawangan :-
  - 4.2.2.1 Had tempoh umur untuk jawatan Ketua Puteri UMNO Badan Perhubungan Negeri, Bahagian dan Cawangan adalah sehingga telah mencapai umur tiga puluh lima (35) tahun.
  - 4.2.2.2 Sekiranya penjawat itu telah mencapai had umur lebih tiga puluh lima (35) tahun tetapi belum tamat tempoh pemilihannya untuk penggal pemilihan Majlis Tertinggi itu, beliau bolehlah meneruskan khidmatnya sehingga tamat pemilihan Majlis Tertinggi itu sahaja.
- 4.2.3 Jawatan-jawatan lain sama ada di Peringkat Puteri UMNO Malaysia, Negeri, Bahagian dan Cawangan.
  - 4.2.3.1 Had tempoh umur untuk jawatan-jawatan lain seperti di atas adalah sehingga telah mencapai umur tiga puluh lima (35) tahun melainkan mereka meminta berhenti atau diberhentikan.
  - 4.2.3.2 Sekiranya penjawat-penjawat tersebut telah mencapai had umur lebih tiga puluh lima (35) tahun tetapi belum tamat tempoh pemilihan mereka untuk pemilihan Majlis Tertinggi itu, mereka bolehlah meneruskan khidmat mereka sehingga tamat tempoh pemilihan mereka untuk penggal pemilihan Majlis Tertinggi itu sahaja.

## **FASAL 5 JAWATANKUASA PUTERI UMNO MALAYSIA**

- 5.1 Sesebuah Jawatankuasa Puteri UMNO Malaysia hendaklah diadakan dengan mengandungi Ahli-ahli seperti berikut:-
  - 5.1.1 Ketua
  - 5.1.2 Naib Ketua
  - 5.1.3 Setiausaha Agung UMNO Malaysia
  - 5.1.4 Setiausaha Puteri
  - 5.1.5 Bendahari Puteri
  - 5.1.6 Ketua Penerangan Puteri

- 5.1.7 Tidak lebih dari 20 orang Ahli Jawatankuasa Puteri yang dipilih oleh Perhimpunan Agung Puteri UMNO.
- 5.1.8 Tidak lebih dari 5 orang Ahli Puteri yang dilantik oleh Ketua Puteri UMNO.
- 5.2 Ketua Puteri hendaklah dipilih oleh Perhimpunan Agung Puteri tiap-tiap tiga tahun sekali dan akan menjadi Naib Presiden UMNO Malaysia menurut Perlembagaan UMNO Fasal 9.2.4.
- 5.3 Naib Ketua Puteri dan dua puluh (20) orang Ahli Jawatankuasa Puteri UMNO Malaysia hendaklah dipilih oleh Perhimpunan Agung Puteri mengikut tempoh pemilihan Majlis Tertinggi.
- 5.4 Setiausaha Puteri, Bendahari Puteri, Ketua Penerangan Puteri dan lima (5) orang Ahli Jawatankuasa Puteri boleh dilantik oleh Ketua Puteri dan disahkan oleh Presiden dan akan memegang jawatan mereka meminta berhenti atau diberhentikan oleh Ketua Puteri.
- 5.5 Calon-calon yang bertanding untuk memegang sebarang jawatan Ahli Jawatankuasa Wanita UMNO Malaysia hendaklah dinamakan oleh sekurang-kurangnya dua (2) bahagian.
- 5.6 Jika dua pertiga atau lebih bilangan Ahli-ahli Jawatankuasa Puteri berhenti maka Jawatankuasa itu dianggap telah bubar dan Majlis Tertinggi bolehlah mengadakan Perhimpunan Agung Khas Puteri UMNO Malaysia bagi menubuhkan semula Jawatankuasa Puteri UMNO dan Majlis Tertinggi berkuasa menentukan tempoh perkhidmatan Jawatankuasa yang baru dipilih itu.
- 5.7 Sekiranya seseorang Ahli Jawatankuasa Puteri tiada lagi memegang jawatannya atas apa-apa sebab sekalipun maka Jawatankuasa Puteri UMNO Malaysia tidak berkuasa melantik gantinya kecuali Ahli-ahli Jawatankuasa yang dilantik menurut Fasal 5.1.4, 5.1.5, 5.1.6 dan 5.1.8 Peraturan ini yang mana Ketua Puteri UMNO Malaysia berkuasa melantik gantinya.
- 5.8 Pegawai-pegawai Jawatankuasa Puteri UMNO Malaysia ialah :
  - 5.8.1 Ketua Puteri
  - 5.8.2 Naib Ketua Puteri
  - 5.8.3 Setiausaha Agung
  - 5.8.4 Setiausaha Puteri
  - 5.8.5 Bendahari Puteri
  - 5.8.6 Ketua Penerangan Puteri
- 5.9 Tugas-tugas pegawai dalam Jawatankuasa Puteri UMNO Malaysia ialah :-
  - 5.10.1 Ketua Puteri UMNO Malaysia :
    - 5.9.1.1 Membantu tugas-tugas Presiden UMNO Malaysia.
    - 5.9.1.2 Menjadi pemimpin utama kepada Puteri UMNO

- dan bertanggungjawab menjaga kesempurnaan.
- 5.9.1.3 Melantik Setiausaha Puteri, Bendahari Puteri, Ketua Penerangan Puteri dan Ketua Puteri Badan Perhubungan UMNO Negeri dan Wilayah Persekutuan.
- 5.9.1.4 Memanggil dan mempengerusikan Mesyuarat Jawatankuasa Puteri UMNO Malaysia.
- 5.9.2 Naib Ketua Puteri UMNO Malaysia :-
- 5.9.2.1 Membantu tugas-tugas Ketua Puteri UMNO Malaysia.
- 5.9.2.2 Mempengerusikan mesyuarat-mesyuarat Jawatankuasa Puteri UMNO Malaysia apabila Ketua Puteri UMNO Malaysia. tidak hadir.
- 5.9.3 Setiausaha Agung UMNO Malaysia :-  
Menerima maklum dan memberi garis panduan mengenai perjalanan Puteri UMNO yang dirujuk oleh Setiausaha Puteri.
- 5.9.4 Setiausaha Puteri UMNO Malaysia :
- 5.9.4.1 Bertanggungjawab kepada Ketua Puteri UMNO Malaysia dan Setiausaha Agung UMNO Malaysia.
- 5.9.4.2 Bertanggungjawab atas kesempurnaan mesyuarat-mesyuarat Jawatankuasa Puteri UMNO Malaysia dan Perhimpunan Agung Puteri serta menyelaras dengan Puteri UMNO Malaysia dan Perhimpunan Agung Puteri serta menyelaras dengan Puteri UMNO Negeri dan Puteri UMNO Bahagian.
- 5.9.4.3 Menyediakan Penyata Tahunan dan Peringatan Perhimpunan Agung Puteri UMNO Malaysia yang menerangkan pekerjaan dan kemajuan dalam masa setahun yang lalu.
- 5.9.5 Bendahari Puteri UMNO Malaysia :-
- 5.9.5.1 Bertanggungjawab atas kesempurnaan perjalanan kewangan Puteri UMNO Malaysia.
- 5.9.5.2 Menyediakan anggaran pendapatan dan perbelanjaan tahunan kepada Jawatankuasa Puteri UMNO Malaysia.
- 5.9.5 Ketua Penerangan Puteri UMNO Malaysia :-  
Bertanggungjawab atas kesempurnaan kegiatan penerangan Puteri UMNO Malaysia dan melaporkannya kepada Jawatankuasa Puteri UMNO Malaysia.

**FASAL 6 MESYUARAT JAWATANKUASA**

- 6.1 Jawatankuasa Puteri UMNO Malaysia hendaklah bersidang sekurang-kurangnya 2 bulan sekali atau pada sebarang masa yang dikehendaki oleh Ketua Puteri UMNO Malaysia.
- 6.2 Satu perdua daripada Ahli Jawatankuasa itu adalah menjadi cukup bilangan bagi menjalankan mesyuarat Jawatankuasa.
- 6.3 Sebarang mesyuarat Jawatankuasa hendaklah dipengerusikan oleh Ketua atau Naib Ketua Puteri UMNO Malaysia dan sekiranya mereka tidak hadir bolehlah mesyuarat memilih salah seorang daripada Ahli Jawatankuasa yang hadir menjadi Pengerusi.

**FASAL 7 TUGAS-TUGAS DAN TANGGUNGJAWAB**

Tugas-tugas dan tanggungjawab Jawatankuasa Puteri UMNO Malaysia ialah :-

- 7.1 Berikhtiar dan berusaha melaksanakan tujuan-tujuan yang terkandung dalam Fasal 3 Peraturan ini.
- 7.2 Menjalankan arahan-arahan daripada Majlis Tertinggi.
- 7.3 Berikhtiar dan berusaha mencari derma-derma untuk kemajuan Puteri UMNO dengan persetujuan Majlis Tertinggi atau Presiden UMNO.

**FASAL 8 PEJABAT SETIAUSAHA PUTERI UMNO MALAYSIA**

Pejabat Setiausaha Agung UMNO Malaysia adalah juga Pejabat Setiausaha Puteri UMNO Malaysia.

**FASAL 9 PERHIMPUNAN AGUNG PUTERI UMNO MALAYSIA**

- 9.1 Perhimpunan Agung Tahunan Puteri UMNO Malaysia hendaklah diadakan setahun sekali dan lebih dari Perhimpunan Agung UMNO Malaysia.
- 9.2 Sebarang Perhimpunan Agung Puteri UMNO hendaklah mengandungi Ahli-ahli sebagaimana yang berikut:-
  - 9.2.1 Pengerusi Tetap Puteri UMNO Malaysia dan Timbalan Pengerusi Tetap Puteri UMNO Malaysia.
  - 9.2.2 Jawatankuasa Puteri UMNO Malaysia.
  - 9.2.3 Ketua dan Naib Ketua Puteri Bahagian-bahagian yang telah mengadakan Perwakilannya. Jika mereka menjadi Ahli Jawatankuasa Puteri UMNO Malaysia, maka bolehlah melantik gantinya yang terdiri daripada Pengerusi Tetap, Timbalan Pengerusi Tetap atau Ahli Jawatankuasa Puteri UMNO Bahagiannya.
  - 9.2.4 Dua (2) orang wakil yang dipilih oleh Mesyuarat

Perwakilan Puteri UMNO dari tiap-tiap Bahagian Puteri UMNO. Mana-mana wakil yang tidak dapat hadir tidak boleh melantik gantinya.

- 9.2.5 Tidak lebih dari tiga (3) orang wakil Majlis Tertinggi.
- 9.3 Semua Ahli-ahli Perwakilan Perhimpunan Agung Puteri UMNO Malaysia di bawah Fasal 9.2.4 Peraturan ini hendaklah membawa surat tauliah dari Ketua Puteri UMNO Bahagian atau Setiausaha Puteri UMNO Bahagian masing-masing.
- 9.4 Perhimpunan Agung Puteri UMNO Malaysia hendaklah memilih :-
- 9.4.1 Pengerusi Tetap Puteri UMNO Malaysia dan Timbalan Pengerusi Tetap Wanita.
- 9.4.2 Seorang Ketua Wanita mengikut Fasal 5.2 Peraturan ini.
- 9.4.3 Naib Ketua dan Jawatankuasa Wanita mengikut Fasal 5.3 Peraturan ini.
- 9.4.4 Sepuluh (10) orang Perwakilan/Pemerhati Khas ke Perhimpunan Agung UMNO Malaysia.
- 9.5 Semua keputusan Perhimpunan Agung Puteri UMNO hendaklah terlebih dahulu dirujuk kepada Majlis Tertinggi.
- 9.6 Pengerusi Tetap dan Timbalan Pengerusi Tetap Perhimpunan Agung Puteri UMNO Malaysia hendaklah dipilih pada tiap-tiap tahun sekali dalam Perhimpunan Tahunannya dari kalangan Ahli Puteri UMNO. Pengerusi Tetap atau Timbalan Pengerusi Tetap ini hendaklah menjadi Pengerusi di dalam sebarang Perhimpunan Agung Puteri UMNO Malaysia maka berkuasalah Perhimpunan itu mengangkat seorang daripada Ahli-ahli Perwakilan yang hadir menjadi Pengerusi bagi Perhimpunan itu sahaja.

## **FASAL 10 PERHIMPUNAN AGUNG KHAS PUTERI UMNO MALAYSIA**

- 10.1 Perhimpunan Agung Khas Puteri UMNO Malaysia yang mempunyai cara perwakilan yang sama dengan Perhimpunan Agung Puteri UMNO Malaysia bolehlah diadakan pada bila-bila masa mengikut salah satu syarat yang berikut:-
- 10.1.1 Dengan kehendak Majlis Tertinggi.
- 10.1.2 Dengan permintaan bertulis dua pertiga daripada jawatankuasa Puteri UMNO Malaysia dan dengan kebenaran Majlis Tertinggi.
- 10.1.3 Dengan permintaan bertulis oleh sekurang-kurangnya satu perdua daripada jumlah semua Bahagian-bahagian Puteri UMNO dengan syarat Bahagian-bahagian Puteri UMNO itu telah mengadakan mesyuarat Perwakilan Khas atas masalah yang sama.

**FASAL 11 BADAN PERHUBUNGAN PUTERI UMNO**

- 11.1 Badan Perhubungan Puteri UMNO bolehlah ditubuhkan di tiap-tiap Negeri dan Wilayah Persekutuan yang mempunyai lebih dari satu Bahagian Puteri UMNO dengan mempunyai tugas-tugas dan tanggungjawab yang tertentu untuk mentadbirkan perjalanan Bahagian-bahagian Puteri UMNO yang ada di dalam sesebuah Negeri dan Wilayah Persekutuan.
- 11.2 Badan Perhubungan Puteri UMNO hendaklah terdiri daripada:-
  - 11.2.1 Ketua
  - 11.2.2 Naib Ketua
  - 11.2.3 Setiausaha Badan Perhubungan UMNO
  - 11.2.4 Setiausaha Puteri
  - 11.2.5 Bendahari Puteri
  - 11.2.6 Ketua Penerangan Puteri; dan
  - 11.2.7 Ketua-ketua Puteri UMNO Bahagian-bahagian. Naib Ketua Puteri UMNO Bahagian berhak mengambil tempat Ketua Puteri UMNO Bahagian di Mesyuarat Jawatankuasa Badan Perhubungan Puteri UMNO Negeri jika Ketua Puteri UMNO Bahagian tidak hadir.
- 11.3 Ketua dan Naib Ketua hendaklah dilantik oleh Ketua Puteri UMNO Malaysia, selepas pemilih Perhimpunan Agung Puteri UMNO Malaysia atau pemilihan mesyuarat Perwakilan Puteri UMNO Bahagian.
- 11.4 Setiausaha Badan Perhubungan UMNO adalah dengan sendirinya menjadi Setiausaha Badan Perhubungan Puteri UMNO.
- 11.5 Setiausaha Puteri; Bendahari Puteri dan Ketua Penerangan Puteri UMNO Negeri hendaklah dilantik oleh Ketua Badan Perhubungan Puteri UMNO dan akan memegang jawatan masing-masing sehingga dilantik Badan Perhubungan Puteri UMNO yang baru atau mereka meminta berhenti atau diberhentikan dengan apa jua sebab sekalipun oleh Ketua dan mereka boleh digantikan oleh Ketua itu.
- 11.6 Badan Perhubungan Puteri UMNO hendaklah bersidang sekurang-kurangnya sekali dalam masa 2 bulan atau pada bila-bila masa yang dikehendaki oleh Ketuanya atau Ketua Puteri UMNO Malaysia ataupun dengan permintaan bersurat dari atau pertiga daripada bilangan Ahli-ahlinya.
- 11.7 Satu perdua daripada bilangan Ahli-ahli Jawatankuasa Puteri UMNO Negeri adalah menjadi cukup bilangan bagi menjalankan mesyuarat.
- 11.8 Sebarang mesyuarat Badan Perhubungan Puteri UMNO hendaklah dipengerusikan oleh Ketua Puteri UMNO atau Naib Ketua Puteri UMNO Negeri dan sekiranya mereka tidak hadir

maka bolehlah Ahli-ahli yang hadir memilih salah seorang Ahli Jawatankuasa menjadi Pengerusi Mesyuarat.

- 11.9 Pegawai-pegawai Badan Perhubungan Wanita UMNO ialah:-
  - 11.9.1 Ketua Puteri
  - 11.9.2 Naib Ketua Puteri
  - 11.9.3 Setiausaha Badan Perhubungan UMNO
  - 11.9.4 Setiausaha Puteri
  - 11.9.5 Bendahari Puteri dan
  - 11.9.6 Ketua Penerangan Puteri
  - 11.10 Tugas-tugas pegawai dalam Badan Perhubungan Puteri UMNO Negeri :-
    - 11.10.1 Ketua Puteri :-
      - 11.10.1.1 Membantu tugas-tugas Pengerusi Badan Perhubungan UMNO Negeri.
      - 11.10.1.2 Melantik Setiausaha Puteri, Bendahari Puteri dan Ketua Penerangan Puteri.
      - 11.10.1.3 Memanggil dan mempengerusikan Mesyuarat Badan Perhubungan Puteri UMNO Negeri.
      - 11.10.2.4 Menjadi wakil/ex-officio ke Mesyuarat Badan Perhubungan UMNO Negeri.
    - 11.10.2 Naib Ketua Puteri UMNO Negeri :-
      - 11.10.2.1 Membantu tugas-tugas Ketua Puteri UMNO Negeri.
      - 11.10.2.2 Mempengerusikan mesyuarat-mesyuarat Badan Perhubungan Puteri UMNO Negeri apabila Ketua Puteri UMNO Negeri tidak hadir.
      - 11.10.2.3 Menjadi wakil/ex-officio ke Mesyuarat Badan Perhubungan UMNO Negeri.
    - 11.10.3 Setiausaha Badan Perhubungan:-
      - 11.10.3.1 Menerima maklum dan memberi garis panduan mengenai perjalanan Badan Perhubungan Puteri UMNO yang dirujuk oleh Setiausaha Puteri UMNO.
      - 11.10.3.2 Menyelia kesempurnaan mesyuarat-mesyuarat Badan Perhubungan Puteri UMNO.
    - 11.10.4 Setiausaha Puteri:-
      - 11.10.4.1 Bertanggungjawab kepada Ketua Puteri dan Setiausaha Badan Perhubungan UMNO.
      - 11.10.4.2 Bertanggungjawab atas kesempurnaan mesyuarat-mesyuarat Badan Perhubungan Puteri UMNO Negeri.

- 11.10.4.3 Memanggil mesyuarat Badan Perhubungan Puteri UMNO Negeri.
- 11.10.5 Bendahari Puteri:-  
Bertanggungjawab atas kesempurnaan perjalanan kewangan Badan Perhubungan Puteri UMNO.
- 11.10.6 Ketua Penerangan Puteri UMNO Negeri :-  
Bertanggungjawab atas kesempurnaan kegiatan penerangan Badan Perhubungan Puteri UMNO dan melaporkannya kepada badan Badan Perhubungan Puteri UMNO Negeri.
- 11.11 Tugas-tugas dan tanggungjawab Badan Perhubungan Puteri UMNO Negeri ialah :-
  - 11.11.1 Bekerjasama dengan Badan Perhubungan UMNO Negeri dan mengatur serta menyesuaikan perjalanan Bahagian-bahagian Puteri UMNO dalam sesebuah negeri itu.
  - 11.11.2 Menjadi badan perantaraan di antara Jawatankuasa Puteri UMNO Malaysia dengan Puteri UMNO Bahagian atas perkara-perkara yang ditugaskan kepadanya.
  - 11.11.3 Dengan persetujuan Badan Perhubungan UMNO Negeri, mencari sumber-sumber kewangan untuk kemajuan Puteri UMNO Negeri.
  - 11.11.4 Menyampaikan dan menjalankan arahan-arahan yang diterima daripada Puteri UMNO Malaysia dan Badan Perhubungan UMNO kepada Bahagian-bahagian Puteri UMNO dalam Negeri itu.
  - 11.11.5 Bekerjasama dengan Badan Perhubungan UMNO dalam serba lapangan yang dikehendaki.
- 11.12 Pejabat Setiausaha Badan Perhubungan UMNO adalah menjadi Pejabat Setiausaha Badan Perhubungan Wanita UMNO.

## **FASAL 12 JAWATANKUASA PUTERI UMNO BAHAGIAN**

- 12.1 Puteri UMNO Bahagian boleh ditubuhkan oleh Jawatankuasa UMNO Bahagian di tiap-tiap Bahagian.
- 12.2 Tugas dan tanggungjawab sesebuah Jawatankuasa Puteri UMNO Bahagian itu adalah tertakluk di bawah Perlembagaan UMNO dan Peraturan ini.
- 12.3 Jawatankuasa Puteri UMNO Bahagian hendaklah diadakan

dengan mengandungi Ahli-ahli seperti berikut :-

- 12.3.1 Ketua Puteri UMNO Bahagian
- 12.3.2 Naib Ketua Puteri UMNO Bahagian
- 12.3.3 Setiausaha UMNO Bahagian
- 12.3.4 Setiausaha Puteri UMNO Bahagian
- 12.3.5 Bendahari Puteri UMNO Bahagian
- 12.3.6 Ketua Penerangan Puteri UMNO Bahagian
- 12.3.7 Tidak lebih dari lima belas (15) orang Ahli Jawatankuasa Puteri yang dipilih oleh Mesyuarat Perwakilan Puteri UMNO Bahagian.
- 12.3.8 Tidak lebih dari tiga (3) orang Ahli Puteri yang dilantik oleh Ketua Puteri UMNO Bahagian.
- 12.4 Ketua Puteri, Naib Ketua dan lima belas (15) orang Ahli Jawatankuasa Puteri Bahagian hendaklah dipilih oleh Mesyuarat Perwakilan Puteri UMNO Bahagian mengikut tempoh pemilihan Majlis Tertinggi.
- 12.5 Setiausaha Puteri UMNO Bahagian adalah dengan sendirinya menjadi Setiausaha Puteri UMNO Bahagian.
- 12.6 Setiausaha Puteri, Bendahari Puteri, Ketua Penerangan Puteri dan tiga (3) orang Ahli Jawatankuasa Puteri hendaklah dilantik oleh Ketua Puteri UMNO Bahagian dan akan memegang jawatan itu selama tempoh Jawatankuasa Bahagian yang berkenaan kecuali mereka berhenti atau diberhentikan oleh Ketua Puteri Bahagian.
- 12.7 Calon-calon yang bertanding bagi memegang jawatan di dalam Jawatankuasa Puteri UMNO Bahagian hendaklah dinamakan oleh sekurang-kurangnya (2) Cawangan.
- 12.8 Jika Ketua Puteri UMNO Bahagian berhenti atau diberhentikan maka Naib Ketua akan memangku jawatan itu dan jika Pemangku Ketua berhenti atau diberhentikan maka Jawatankuasa bolehlah melantik salah seorang Ahli Jawatankuasa untuk memangku jawatan itu sehingga diadakan Mesyuarat Perwakilan Puteri UMNO Bahagian menurut Fasal 14.3 Peraturan ini.
- 12.9 Pegawai-pegawai Jawatankuasa Puteri UMNO Bahagian ialah :
  - 12.9.1 Ketua Puteri UMNO Bahagian
  - 12.9.2 Naib Ketua Puteri UMNO Bahagian
  - 12.9.3 Setiausaha UMNO Bahagian
  - 12.9.4 Setiausaha Puteri UMNO Bahagian
  - 12.9.5 Bendahari Puteri UMNO Bahagian
  - 12.9.6 Ketua Penerangan Puteri UMNO Bahagian
- 12.10 Tugas-tugas pegawai dalam Jawatankuasa Wanita UMNO Bahagian.

- 12.10.1 Ketua Puteri UMNO Bahagian ialah :-
  - 12.10.1.1 Membantu tugas-tugas Ketua UMNO Bahagian.
  - 12.10.1.2 Melantik Setiausaha Puteri UMNO Bahagian, Bendahari Puteri UMNO Bahagian dan Ketua Penerangan Puteri UMNO Bahagian.
  - 12.10.1.3 Melantik tiga (3) orang Ahli Jawatankuasa Puteri UMNO Bahagian Mengikut Fasal 12.3.8 Peraturan ini.
  - 12.10.1.4 Memanggil dan mempengerusikan Mesyuarat Jawatankuasa Puteri UMNO Bahagian.
- 12.10.2 Naib Ketua Puteri UMNO Bahagian :-
  - 12.10.2.1 Membantu tugas-tugas Ketua Puteri UMNO Bahagian.
  - 12.10.2.2 Mempengerusikan mesyuarat-mesyuarat Jawatankuasa Puteri UMNO Bahagian apabila Ketua Puteri UMNO Bahagian tidak hadir.
- 12.10.3 Setiausaha UMNO Bahagian:-
  - 12.10.3.1 Menerima maklum dan memberi garis panduan mengenai perjalanan Wanita UMNO Bahagian yang dirujuk oleh Penolong Setiausaha (Wanita) UMNO Bahagian.
  - 12.10.3.2 Menyelia kesempurnaan mesyuarat-mesyuarat Badan Perhubungan Puteri UMNO.
- 12.10.4 Setiausaha Puteri UMNO Bahagian:-
  - 12.10.4.1 Bertanggungjawab kepada Ketua Puteri UMNO Bahagian dan Setiausaha UMNO Bahagian.
  - 12.10.4.2 Bertanggungjawab atas kesempurnaan mesyuarat-mesyuarat Jawatankuasa Puteri UMNO Bahagian.
  - 12.10.4.3 Menyediakan Penyata Tahunan dan Peringatan Mesyuarat Perwakilan Puteri UMNO Bahagian.
- 12.10.5 Bendahari Puteri UMNO :-
  - Bertanggungjawab atas kesempurnaan mesyuarat perjalanan kewangan Puteri UMNO Bahagian.
- 12.10.6 Ketua Penerangan Puteri UMNO Bahagian:-
  - Bertanggungjawab atas kesempurnaan perjalanan kewangan Wanita UMNO Bahagian.
- 12.11 Jika dua pertiga atau lebih bilangan Ahli-ahli Jawatankuasa Puteri UMNO Bahagian meletakkan jawatan mereka, maka Jawatankuasa Puteri UMNO Bahagian bolehlah mengadakan

Mesyuarat Perwakilan Khas Puteri UMNO Bahagian untuk memilih Jawatankuasa Puteri yang baru dan Jawatankuasa UMNO Bahagian bolehlah menentukan tempoh perkhidmatannya.

- 12.12 Sekiranya seseorang Ahli Jawatankuasa Puteri UMNO Bahagian tidak lagi memegang jawatannya atas apa-apa juga sebab sekalipun maka Jawatankuasa Puteri UMNO Bahagian tidak berkuasa melantik gantinya kecuali Ahli yang dilantik di mana Ketua Puteri UMNO Bahagian berkuasa melantik gantinya.

### **FASAL 13 PEJABAT SETIAUSAHA PUTERI UMNO BAHAGIAN**

Pejabat Setiausaha UMNO Bahagian adalah juga menjadi Pejabat Setiausaha Puteri UMNO Bahagian.

### **FASAL 14 MESYUARAT PERWAKILAN PUTERI UMNO BAHAGIAN**

- 14.1 Mesyuarat Perwakilan Puteri UMNO Bahagian hendaklah diadakan setahun sekali dan lebih dahulu daripada Mesyuarat Perwakilan Tahunan UMNO Bahagian.
- 14.2 Sebarang Mesyuarat Perwakilan Puteri UMNO Bahagian hendaklah mengandungi Ahli-ahli sebagaimana yang berikut:-
- 14.2.1 Pengerusi Tetap Puteri dan Timbalan Pengerusi Tetap Puteri UMNO Bahagian.
- 14.2.2 Jawatankuasa Puteri UMNO Bahagian.
- 14.2.3 Ketua-ketua Puteri UMNO Cawangan. Sekiranya ia menjadi Ahli Jawatankuasa Puteri UMNO Bahagian, maka bolehlah ia melantik gantinya yang terdiri daripada Pengerusi Tetap, Timbalan Pengerusi Tetap atau Ahli Jawatankuasa Puteri Cawangan.
- 14.2.4 Dua (2) orang wakil yang dipilih oleh Mesyuarat Persidangan Puteri UMNO Cawangan dalam Bahagian itu, mana-mana wakil yang tidak boleh melantik gantinya.
- 14.2.5 Tidak lebih dari tiga (3) orang wakil daripada Jawatankuasa UMNO Bahagian.
- 14.3 Tugas-tugas Mesyuarat Perwakilan Puteri UMNO Bahagian ialah:-
- 14.3.1 Memilih Pengerusi Tetap Puteri dan Timbalan Pengerusi Tetap Puteri.
- 14.3.2 Tertakluk kepada Fasal 12.4 Peraturan ini, memilih Jawatankuasa Puteri UMNO Bahagian mengikut Fasal 12.3.1, 12.3.2 dan 12.3.7 Peraturan ini.
- 14.3.3 Memilih sepuluh (10) orang wakil ke Mesyuarat Perwakilan UMNO Bahagian, menurut Fasal 14.4.6 Perlembagaan UMNO.

- 14.3.4 Memilih dua (2) orang wakil Puteri ke Perhimpunan Agung Puteri UMNO Malaysia menurut Fasal 9.2.4 Peraturan ini.
- 14.3.5 Mencadangkan calon-calon untuk bertanding menjadi Ahli Jawatankuasa Puteri UMNO Malaysia mengikut Fasal 5.1.1, 5.1.2 dan 5.1.7 dan Pengerusi Tetap Puteri mengikut Fasal 9.6 Peraturan ini.
- 14.4 Semua Ahli-ahli Mesyuarat Perwakilan Puteri UMNO Bahagian di bawah Fasal 14.2.4 Peraturan ini hendaklah membawa surat tauliah daripada Ketua atau Setiausaha Cawangan Puteri UMNO masing-masing.
- 14.5 Semua keputusan Mesyuarat Jawatankuasa dan Perwakilan Puteri UMNO Bahagian hendaklah terlebih dahulu dirujuk kepada Jawatankuasa UMNO Bahagian.
- 14.6 Pengerusi Tetap dan Timbalan Pengerusi Tetap Mesyuarat Perwakilan Puteri UMNO Bahagian hendaklah dipilih tiap-tiap tiga (3) tahun sekali di dalam Mesyuarat Perwakilan Tahunannya daripada Ahli Puteri UMNO. Pengerusi Tetap Puteri atau Timbalan Pengerusi Tetap Puteri hendaklah mempengerusikan sebarang mesyuarat melainkan jika mereka tidak dapat hadir atau meminta berhenti atau diberhentikan oleh Mesyuarat Perwakilan Puteri UMNO Bahagian maka berkuasalah Mesyuarat Perwakilan memilih seorang daripada Ahli-ahli yang hadir menjadi Pengerusi Mesyuarat Perwakilan itu sahaja.

## **FASAL 15 MESYUARAT PERWAKILAN KHAS PUTERI UMNO BAHAGIAN**

- 15.1 Perwakilan Khas Puteri UMNO Bahagian yang mempunyai cara perwakilan yang sama dengan Perwakilan Puteri UMNO Bahagian bolehlah diadakan pada bila-bila masa mengikut salah satu syarat yang berikut:-
  - 15.1.1 Dengan permintaan bertulis dua pertiga daripada Ahli-ahli Jawatankuasa Puteri UMNO Bahagian dan dengan kelulusan Jawatankuasa UMNO Bahagian.
  - 15.1.2 Dengan kehendak Jawatankuasa UMNO Bahagian dan dengan persetujuan Puteri UMNO Malaysia.

## **FASAL 16 PENUBUHAN PUTERI UMNO CAWANGAN**

- 16.1 Puteri UMNO Cawangan bolehlah ditubuhkan oleh Jawatankuasa UMNO Cawangan di tiap-tiap UMNO Cawangan di mana Ahli Puteri adalah sekurang-kurangnya 15 orang.
- 16.2 Sesebuah Cawangan Puteri UMNO Cawangan itu adalah tertakluk kepada tugas dan tanggungjawabnya di bawah Perlembagaan UMNO dan Peraturan Puteri UMNO.

**FASAL 17 JAWATANKUASA PUTERI UMNO CAWANGAN**

- 17.1 Hendaklah diadakan sebuah Jawatankuasa Wanita UMNO Cawangan dengan mengandungi ahli-ahli sebagaimana di bawah ini:-
- 17.1.1 Ketua Puteri UMNO Cawangan
  - 17.1.2 Naib Ketua Puteri UMNO Cawangan
  - 17.1.3 Setiausaha UMNO Cawangan
  - 17.1.4 Setiausaha Puteri UMNO Cawangan
  - 17.1.5 Bendahari Puteri UMNO Cawangan
  - 17.1.6 Ketua Penerangan Puteri UMNO Cawangan
  - 17.1.7 Tidak lebih dari tujuh (7) orang Ahli Puteri UMNO yang dilantik oleh Persidangan Puteri UMNO Cawangan.
  - 17.1.8 Tidak lebih dari tiga (3) orang Ahli Jawatankuasa Puteri UMNO yang dilantik oleh Ketua Puteri UMNO Cawangan.
- 17.2 Ketua, Naib Ketua dan tujuh (7) orang Ahli Jawatankuasa Puteri hendaklah dipilih di dalam Persidangan Puteri Cawangan mengikut tempoh pemilihan Majlis Tertinggi.
- 17.3 Setiausaha UMNO Cawangan adalah dengan sendirinya menjadi Setiausaha Puteri UMNO Cawangan.
- 17.4 Setiausaha Puteri, Bendahari Puteri, Ketua Penerangan Puteri dan tiga (3) orang Ahli Jawatankuasa Puteri hendaklah dilantik oleh Ketua Puteri Cawangan dan akan memegang jawatan itu selama tempoh pemilihan Majlis Tertinggi kecuali mereka meminta berhenti atau diberhentikan dengan apa jua sebab sekalipun oleh Ketua dan Ketua berhak mengganti mereka.
- 17.5 Jika Ketua Puteri UMNO Cawangan berhenti atau diberhentikan maka Naib Ketua akan memangku jawatan itu dan jika Pemangku Ketua berhenti atau diberhentikan maka Jawatankuasa bolehlah melantik salah seorang Ahli Jawatankuasa untuk memangku jawatan itu sehingga diadakan Persidangan Puteri UMNO Cawangan.
- 17.6 Pegawai-pegawai Jawatankuasa Puteri UMNO Cawangan ialah:-
- 17.6.1 Ketua Puteri UMNO Cawangan
  - 17.6.2 Naib Ketua Puteri UMNO Cawangan
  - 17.6.3 Setiausaha UMNO Cawangan
  - 17.6.4 Setiausaha Cawangan
  - 17.6.5 Setiausaha Puteri UMNO Cawangan
  - 17.6.6 Bendahari Puteri UMNO Cawangan dan
  - 17.6.7 Ketua Penerangan Puteri UMNO Cawangan
- 17.7 Tugas-tugas pegawai dalam Jawatankuasa Puteri UMNO Cawangan :-
- 17.7.1 Ketua:-

- 17.7.1.1 Membantu tugas-tugas Ketua UMNO Cawangan.
- 17.7.1.2 Melantik Setiausaha Puteri UMNO Cawangan, Bendahari Puteri UMNO Cawangan, Bendahari Puteri UMNO Cawangan dan Ketua Penerangan Puteri UMNO Cawangan.
- 17.7.1.3 Melantik tiga (3) orang Ahli Jawatankuasa Puteri UMNO Cawangan mengikut Fasal 17.1.8 Peraturan ini.
- 17.7.1.4 Memanggil dan mempengerusikan Mesyuarat Jawatankuasa Puteri UMNO Cawangan.
- 17.7.2 Naib Ketua Puteri UMNO Cawangan :-
  - 17.7.2.1 Membantu tugas-tugas Ketua Puteri UMNO Cawangan.
  - 17.7.2.2 Mempengerusikan mesyuarat-mesyuarat Jawatankuasa Puteri UMNO Cawangan apabila Ketua tidak hadir.
- 17.7.3 Setiausaha UMNO cawangan :-
  - 17.7.3.1 Menerima maklum dan memberi garis panduan mengenai perjalanan Puteri UMNO Cawangan yang dirujuk kepada Setiausaha Puteri UMNO Cawangan.
  - 17.7.3.2 Menyelia dan bertanggungjawab atas kesempurnaan mesyuarat-mesyuarat Jawatankuasa Puteri UMNO Cawangan.
- 17.7.4 Setiausaha Puteri UMNO Cawangan.
  - 17.7.4.1 Bertanggungjawab kepada Ketua Puteri UMNO Cawangan dan Setiausaha Puteri UMNO Cawangan.
  - 17.7.4.2 Bertanggungjawab atas kesempurnaan mesyuarat-mesyuarat Jawatankuasa Puteri UMNO Cawangan.
  - 17.7.4.3 Menyediakan Penyata Tahunan dan Peringatan Persidangan Puteri UMNO Cawangan.
- 17.7.5 Bendahari Puteri UMNO Cawangan.
  - Bertanggungjawab atas kesempurnaan perjalanan kewangan Puteri UMNO Cawangan.
- 17.7.6 Ketua Penerangan Puteri UMNO Cawangan :-
  - Bertanggungjawab atas kesempurnaan kegiatan penerangan Puteri UMNO Cawangan dan melaporkannya kepada Jawatankuasa Puteri UMNO Cawangan.
- 17.8 Jika dua pertiga atau lebih bilangan Ahli-ahli Jawatankuasa Puteri

UMNO Cawangan meletakkan jawatan mereka, Jawatankuasa Puteri UMNO Cawangan dianggap bubar dan Jawatankuasa UMNO Cawangan boleh mengadakan Persidangan Khas Puteri UMNO Cawangan untuk menubuhkan semula Jawatankuasa Cawangan itu dan Jawatankuasa UMNO Cawangan akan menentukan tempoh perkhidmatannya.

- 17.9 Sekiranya seseorang Ahli Jawatankuasa Puteri UMNO Cawangan tiada lagi memegang jawatannya atas apa-apa sebab sekalipun maka jawatan itu tidak boleh diganti kecuali Ahli yang dilantik yang mana Ketua Puteri UMNO Cawangan berkuasa melantik gantinya.

## **FASAL 18 PEJABAT SETIAUSAHA PUTERI UMNO CAWANGAN**

Pejabat Setiausaha UMNO Cawangan adalah juga menjadi Pejabat Setiausaha Puteri UMNO Cawangan.

## **FASAL 19 PERSIDANGAN PUTERI UMNO CAWANGAN**

- 19.1 Persidangan Puteri UMNO Cawangan hendaklah diadakan berasingan dan terdahulu daripada Persidangan UMNO Cawangan dan penetapan tarikh Persidangan Puteri UMNO Cawangan hendaklah dibuat oleh Puteri UMNO Bahagian setelah dirujuk kepada UMNO Cawangan dan Bahagian.
- 19.2 Sebarang Persidangan Puteri UMNO Cawangan hendaklah mengandungi Ahli-ahli sebagaimana yang berikut :-
- 19.2.1 Pengerusi Tetap dan Timbalan Pengerusi Tetap Puteri UMNO Cawangan.
- 19.2.2 Jawatankuasa Puteri UMNO Cawangan.
- 19.2.3 Ahli-ahli Puteri UMNO Cawangan yang telah menjelaskan yuran tahun itu mengikut Fasal 25.1 dan 25.2 Perlembagaan UMNO.
- 19.2.4 Tidak lebih dari dua (2) orang wakil daripada Jawatankuasa UMNO Cawangan.
- 19.3 Cukup bilang (korum) Persidangan Puteri UMNO Cawangan adalah sekurang-kurangnya sembilan (9) orang Ahli Puteri UMNO yang telah menjelaskan yuran.
- 19.4 Tugas-tugas Persidangan Puteri UMNO Cawangan:-
- 19.4.1 Memilih Pengerusi Tetap Puteri dan Timbalan Pengerusi Tetap Puteri.
- 19.4.2 Tertakluk kepada Fasal 17.2 memilih Jawatankuasa Wanita UMNO Cawangan sebagaimana Fasal 17.1.1, 17.1.2 dan 17.7.7 Peraturan ini.
- 19.4.3 Memilih dua (2) orang wakil ke Mesyuarat Perwakilan Puteri UMNO Bahagian sebagaimana Fasal 14.2.4

Peraturan ini.

- 19.4.4 Mencadangkan calon-calon untuk bertanding menjadi Ahli Jawatankuasa Puteri UMNO Bahagian mengikut Fasal 12.3.1, 12.3.2 dan 12.3.7 dan Pengerusi Tetap mengikut Fasal 19.6 Peraturan ini.
- 19.4.5 Tertakluk kepada Fasal 9.2.4 Peraturan ini, mencadangkan dua (2) orang wakil Puteri UMNO Bahagian ke Perhimpunan Agung Puteri UMNO Malaysia.
- 19.5 Semua keputusan Persidangan dan Mesyuarat Jawatankuasa Puteri UMNO Cawangan hendaklah terlebih dahulu dirujuk kepada Jawatankuasa UMNO Cawangan.
- 19.6 Sebarang Persidangan Puteri UMNO Cawangan hendaklah dipengerusikan oleh Pengerusi Tetap yang dipilih tiap-tiap tiga (3) tahun sekali oleh Persidangan itu dari Ahli-ahli Puteri UMNO Cawangan dan sekiranya ia tidak hadir bolehlah Persidangan itu memilih daripada ahli-ahli Persidangan itu memilih daripada ahli-ahli Persidangan yang hadir menjadi Pengerusi.
- 19.7 Ahli-ahli Puteri UMNO yang tidak menjelaskan yuran bagi tahun-tahun yang lalu mengikut Fasal 25.1 dan 25.2 Perlembagaan UMNO hilanglah haknya mengikut Fasal 6.2 Perlembagaan UMNO tetapi bolehlah menghadiri Persidangan Puteri UMNO Cawangan dengan syarat dia tidak boleh mengundi atau apa-apa usul serta tidak boleh dilantik memegang apa-apa jawatan jua pun.
- 19.8 Ahli-ahli Puteri yang baru didaftarkan sebagai Ahli-ahli Biasa UMNO selepas ditutup tarikh pembayaran yuran tidak berhak mengambil bahagian dalam Persidangan Puteri UMNO Cawangan mengikut Fasal 6.2. Perlembagaan UMNO tahun berkenaan tetapi boleh hadir sebagai pemerhati.

## **FASAL 20 PERSIDANGAN KHAS PUTERI UMNO CAWANGAN**

- 20.1 Persidangan Khas Puteri UMNO Cawangan yang mempunyai cara persidangan yang sama dengan Persidangan Puteri UMNO Cawangan bolehlah diadakan pada bila-bila masa mengikut salah satu syarat yang berikut :-
  - 20.1.1 Dengan permintaan bertulis dua pertiga daripada Ahli-ahli Jawatankuasa Puteri UMNO Cawangan dan dengan kelulusan Jawatankuasa UMNO Cawangan.
  - 20.1.2 Dengan kehendak Jawatankuasa UMNO Cawangan dan dengan persetujuan Puteri UMNO Bahagian.

**FASAL 21 KEWANGAN DAN HARTA**

- 21.1 Peraturan Kewangan UMNO hendaklah dipakai sebagai Peraturan Kewangan Puteri UMNO.
- 21.2 Tiap-tiap hak tak alih, iaitu tanah dan bangunan kepunyaan Puteri UMNO, hendaklah didaftarkan di atas nama UMNO pada peringkat yang berkenaan.
- 21.3 Tiap-tiap alih kepunyaan Puteri UMNO hendaklah didaftarkan mengikut Perlembagaan UMNO.

**FASAL 22 KESEMPURNAAN PERTURAN INI**

Bagi kesempurnaan Peraturan ini dan perjalanan serta pentadbiran Puteri UMNO dalam semua peringkatnya maka sebarang perkara yang tidak tersebut di dalam Peraturan ini hendaklah dijalankan dengan berpandu kepada Perlembagaan UMNO.

**FASAL 23 TAFSIRAN**

Jika berbangkit sebarang perselisihan di atas tafsiran Peraturan ini maka hendaklah perkara ini dirujuk kepada Majlis Tertinggi UMNO dan tafsiran yang diberikannya adalah muktamad.

**FASAL 24 PERATURAN-PERATURAN MESYUARAT**

Aturan Peraturan UMNO hendaklah dipakai dalam semua peringkat mesyuarat Perwakilan Puteri UMNO.

**FASAL 25 TARIKH DIJALANKAN PERTUKARAN INI**

- 25.1 Peraturan ini dipersetujukan dengan pindaan Majlis Tertinggi dan akan berkuatkuasanya pada 10 Mei 2002 dan berkuatkuasa pada 10 Mei 2002 setelah dipersetujukan oleh Majlis Tertinggi sebagaimana kuatkuasa yang ada padanya menurut Perlembagaan UMNO Fasal 21.